



21171

kat.komp.

III

Mag. St. Dr.

P

Dominicki Stanisław Sol Sarmaticus obscurus

PANEG. et VITAE

Polon. Fol.

№ 1508.

S O L
SARMATICVS
OBSCVRATVS,

D V M

SERENISSIMVS ac POTENTISSIMVS

VLADISLAVS IV.

DEI GRATIA

REX POLONIÆ,

MAGNVS DVX LITHVANIÆ,
Russiæ, Prussiæ, Masouiæ, Samogitiæ, Liunioniæ,
Czerniechouiæ, Smolensciæque; necnon
Suecorum, Gotthorû, Vandalorumq;
Hæreditarius REX.

*Qui continuò & felici progressu Orbem Septemtrionalem
illuminans, mortalitatis umbras ingressus, luminis
sui Iubar nobis subduxit 20. Maij,
Anno Domini, 1648.*



C R A C O V I Æ,

In Officina Typographica Francisci Casarij, S. R. M. Typographi, 1649.

IN ARMA
ILLVSTRISSIMÆ & ANTIQVISSIMÆ
DOMVS.



21.171 III

Xeuxis Virgo feras frenis adiuta regebat,
Quam me laus frenat Virgo Polona feras.
Vrsam Virgo domat, frenos non passa domatur,
Sic merita tanta deuenerata fera est.

BIBLIOTH. UNIV.



VALELLONICAE

Franciscus Iosephus Cesari
Stud: Poës.



Sol Sarmaticus obscuratus.



IN hoc Orbis Naturalis ambitu, non insolitum est mortalibus cernere, cum Oculis ille Orbis pulcherrimus, Princeps ac Moderator omnium Planetarum ac siderum, qui splendoris sui radios, quos benefico influxu in globum sublunarem dirigit, efficitque, ut cuncta naturali in esse existentia suum producant effectum, roburque firmitatis retineant, ac conseruent, dum ad minimum interuallum temporis solitae claritatis suae retrahit iubar, & offusae caliginis induit tenebras, quantas & quales in rerum vniuersitate efficiat ac operetur vicissitudines, quas inferat mortalibus calamitatum congeries, quae denique inducat incrementa malorum, id verò luculentius profectò nostro in Orbe Sarmatico intueri est. Ecce in ipso Meridiei cursu, rerumque gestarum gloriae culmine ac fastigio Sol noster Poloniae prouectus, qui vbique Terrarum, vbique Gentium, radios virtutum, gloriae, fortunae, ac triumphorum spargebat, qui nominis nostri Lechici longè latèque famam propagabat ac dilatabat, qui fidei Christianae hostium Terror, Irreligiosae Debellator Religionis, improborum Timor, Iustitiae tenax Conseruator, consilij ac prudentiae moderator, in omnes beneficiorum suorum munificentia profusissimus liberalissima, totius Orbis Christiani ornamentum, Spes & Anchora tutissima; omnium denique virtutum Heroicarum, Bellicarum, Regalium imago, Orbis Christiani Columna adamantina, verbo dicam, grande illud seculi sui decus, derepentè omnium vota & expectationem confundens, tenebris mortalitatis obductus, cheu nobis lucere desijt, Orbemque nostrum luminis sui claritate orbatum, quantò in mærore, quantò in gemitu, & graui perturbationis & timoris squalore dereliquit:

V L A D I S L A V S, inquam, Q V A R T V S omnium fœlicissimus, Bellicosissimus, ac longè Potentissimus R E X. Aduersa fors nos inuisit, post tam longam malatiam tranquillitatis & quietis, in quos Reipublicæ nostræ nauigium intruserit scopulos, quis licet offusis fletu oculis non cōspiciat? ô instabilis fortunæ rota, quæ motu volubili cuncta in gyrum trahendo, sursum ac deorsum voluendo, quid tandem stabile tuo collocabis in loco. En alea constantis in sua inconstantia fortunæ, quàm duram & infestam iecit tesseram, ex quo conijcere quid aliud possumus, nisi quæque aduersa perturbantia præsentem statum nostrum Reipublicæ? ô fallaces spes & curas hominum! ô quantum in rebus inane! ô fragilis & incerta potentia Sceptri, quæ sic illudis Summis Terrarum arbitris, & moderatoribus, vt cùm illi in summo fortunæ ac honorum apice se constitutos suspexerint, en quàm subito præcipites in Vrnæ è folio, & post lucem ac fulgorem suum nil nisi cinerem tristem relinquunt! Verùm quantas tenebras ex eiusmodi occasu Principum trahunt Regna, quanta inuoluuntur nocte, ac terroribus, quàm diuersorum consiliorum agitantur turbinibus, fatis perspectum est multis. Vita enim Principum est veluti Solis æmula, constituta in excelso honoris loco, in omnes spargit æquanimiter, Clementiæ, Prudentiæ, ac Probitatis radios: eosque contra quosuis casuum impetus facit esse immunes. In contrarium sin secus acciderit calamitatem ingentem necesse est venire, cum virtutibus & fœlicitatē Principum meriantur vniuersa. Verùm enimuero & nobis ea fors contigit ex obitu tanti Principis Victoriosissimi, Fœlicissimi, Pacificatoris Orbis Maximi, tenebras meritò putarem incurrisse in Orbem Christianum, in nostrum multò magis Sarmaticum, vbi hic Sol stetit, ac sui cursus vltimam clausit periodum, tenebrasque per multas occasu suo inuexit doloris ac periculorum. Dolet ac luget vehementer Gens nostra Polona, fatis sibi ereptum Regem Maximum, cum quibusuis magnis Orbis Terrarum Monarchis præcellentibus comparandum, cui Polonia similes non multos vidit, visuram se in posterum tamen sperat. Luget Religio Catholica Athletam fortem, & sui Defensorem acerrimum; Lugent Summi Præsides Sacrorum, totusque Sacerdotalis Ordo suum Propugnatorem & Protectorem constantissimum: deplorant Familiæ Religionum,

retur. Verum enimvero cum omnia humana & terrena tam incerta sint,
& nihil reperitur in hac communi exilij gleba, quod solidum sit aut non
subiaceat vicissitudinibus rerum, & temporum; quod non deiciat de
suo loco & statu aduersa fors, Regium genus, partæ maiorum gloriæ, vir-
tutes, & dotes Regiæ, res gestæ feliciter, & bellica præclara facinora, vi-
ctoriæ deniq; maximæ ac triumphi, hæc sunt quæ gesta eorum perpetuò
Annalium monumentis consecrant atq; dedicant, ingentesq; trophæo-
rum ac triumphorum moles exstruunt eriguntq; & seræ posteritatis me-
moriæ transmittunt: hæc sunt quæ ab omni obliuione humana illos
vindican, & eripiunt tantoperè, vt memoria illorum cum laudibus sem-
per permaneat, fixæ tum animis hominū, quàm lucubrationibus publi-
cis firmiter notatæ perpetuò viuant, & robur solidum suū retineant ne-
cesse est. Verum mihi ingens offert sese campus & materia demonstan-
di, quod hic Sol lucidissimus, licet pro conditione sortis humanæ vmbra
sit ingressus mortalitatis, radios tamen lucis suæ promouet, vel ex tumba
qui sunt generis, virtutis, famæ, fortunæ, rerumq; gestarum gloriæ, trium-
phatorum deniq; maximorum altitudo, ac maximi Regni moderatissi-
mum & pacificum regimen. Quæ omnia recensita sub vmbra vicissi-
tudinis humanæ cadere nequiverunt, sed lucis suæ magis emittunt acies,
extenebris fatorum sese eleuant atq; explicant. Si itaq; genus Regium
explanandum est, trinam Regis nostri Inuictissimi Familiæ Regalis seriē,
atq; Genealogiæ, producere gentis Ordinem Gotticam, nempe Austria-
cam atq; Sarmaticam, necesse est. Ex ea enim qualibet quid amplius &
augustius intueri liceat, nam omnia admiratione digna in orbe conspi-
ciuntur, testes rerum gestarum Annales Orbis. quid Gottica Gente anti-
quius, quid fortius, quid bellicosius? Ex ea tot Reges Potentissimos Or-
bi formidabiles, Regis nostri Potentissimi Atavos, Proavos, & Avos re-
censere expedit, quorum potentiam & fortitudinem exhorruit Orbis
Imperium Romanum, potentia eorum fractum & attritum. Austriaco-
rum Gentem pro dignitate commendare quis præsumat, vt illam breui
compendio percurrat? longa nimirum series Romanorum Imperatorū
Augustæ Austriacæ Domus; numeratur eorum gloria, fortunæ, trium-
phi, totum impleuerunt Orbem, & quidquid vspiam Terrarum glorio-
sum apparet, Domui Austriacæ excellentiori titulo tribuitur, tum ob A-
uita Imperia, quæ Antipodas etiam comprehendunt, atque ob nexu-
summos, cum quibusuis maximinominis Christiani Monarchis contra-
ctos & coniunctos; vt etiam intra Terras defuerit locus captanda & cō-

parandæ ei gloriæ, nominis Cælum ipsum sibi cōiunxerunt, in quo Im-
perium fortiùs stabiliuerunt perennaturum, cū Religionem Christia-
nā Catholicam, Nominis Diuini cultum vbiq; Terrarum propagando,
cæleste inde sibi comparârunt Trophæum & Imperium. Sarmaticum
verò genus admiratione potiùs quàm laude prosequi decet, quo nil sub
sole videri potest antiquius, quod nec Romanum Imperium toti Orbi
tremendum ac venerandum vnquam attriuerat, nec hāc gentem subij-
cere armis valuerat, magis illam vt amicam amare atq; tractare voluerat.
Vnde Reges fortissimos, Bellicosissimos, satis superq; rerum gestarum
Orbis Nomenclatores demonstrant. Quorum potentiam & fortitudi-
nem, hucusque admiratur Orbis ex hac Gente clarissima, Domus Iagel-
lonia celeberrima Orbi recensetur, quæ tot Reges magnanimos, fortes,
potentes progenuerat, qui non solum longa serie Poloniæ præfuerūt di-
gnissimè & vtiliter, verum etiam Orbi vniuerso Christiano profuerunt,
& non tantum in Politicis tractandis eximios sese præstiterūt, longè ma-
gis laudes humanas ac decora supergressi sunt: cū supra lunaribus se se
inferuerunt, ac incorporârunt Regnis. Nempè tantum Solis Iubar ex
eorum propagine prodierat, scilicet Diuus Casimirus Iagellonides, quo
augmento accedente honori Iagelloniadum, nihil est in Orbe terrarum,
quod magis illos splendidos efficiat, ac commendabiles. Verum tamen
& vicina Regna, ex hac triumphali stirpe & Imperia sibi deposcebant,
Regnū scilicet Vngariæ, quod olim pomum aureum, ob tantam rerum
omnium exuberantiam & amplitudinem nuncupatum, V L A D I S-
L A O S duos atq; L V D O V I C V M præfecerunt, qui quàm prudenter
ac strenuè laudabiliterq; hoc Regnum administrârunt domi forisq;,
sed quod maximum est nō solum Reges sapientissimos in gubernando
Regno se demonstrârunt, verum etiam pro summa totius rei Christia-
næ, victimam se in reprimendo Barbarorum impetu & incursu, vt eum
à Christianitate arcerent, obtulerunt. Regnum Bohemiæ, cuius Im-
perium nacta Polonia, partemq; Germaniæ non attingo, quæ vltro &
libenter virtuti Iagelloniadum se submiserat propagini. At nexum Affi-
nitatis, quem vltimarini etiā Reges ambire non vererentur, ac potiores
Principes Orbis Christiani; Transalpini verò Principes magnam acces-
sionē honoris, & amplitudinis ac fortunæ, ex huiusmodi communica-
tione affinitatis, multum sibi gratulati sunt. Rem paucis cōplectar, quid-
quid maximū, quidquid fælicissimum augustissimumq; id totum in Re-
gis nostri congestum Domum & Profapiam. Vnde ex his tam augustis
lumini-

luminibus hic tantus coáluit Sol, qui non solùm Orbem nostrum Sarmaticum, verùm omnem Orbem terrarum illuminare sufficebat. Immortalis hac in parte, Regis nostri ex tam sublimi Natalium origine gloria proueniens, quam nullis seculis vicissitudo, tum temporum, tum rerũ variabit, sed illa per se integrè clarescet perennabitq̃ue. Verùm enim uerò, hic Magnanimus Rex non his luminibus contentus, aliud lumen copiosum & ingens prodere satagebat, tum amplissimis meritis in Ecclesiã, Patriam, tum deniq; Orbem Christianum, quibus semper lucere contendeat, Orbe teste vniuerso; qui pueritiam apud Augustissimos Parentes, Regem SIGISMVNDVM III. gloriosæ & immortalis memoriæ, Reginamq; ANNAM AVSTRIACAM, omnium genere virtutum cumulatissimam Heroinam, quam pia educatione, prudenti institutione atq; eruditione Serenissimorum, vnà & Pientissimorum Parentum suorum opera transegit iuuentutem in Castris, tum Expeditionibus diuersis Moschouiticis, scilicet vbi prima Tyrocinijs posuerat fundamenta, quàm felicissimè illi cesserunt primordia, eius euentus fælicissimus cõprobauit, cùm Potentissimum Moschorum Imperiũ eius potestati arduas submisit ceruices, Imperatoremq; suum elegit, creauitq; maneret; proculdubio in eius obsequio, nisi vicissitudo rerũ, quoniã aduersæ sæpè ex ipsis prosperis nascũtur, aliam faciẽ rebus induxisset. Verùm vltioris progressus ætatis, dum viriles attigerat annos, Sol hic maioris luminis producebat radios, tum Patriæ prospiciendo, & illius gloriæ succurrẽdo, tum deniq; illam à quibusuis insultibus hostium defendendo. Eruperat ingens pelagus formidabilis potentiæ Othomanicæ Orbi Christiano, quod fæuis procellis ac tempestatibus, Cataractas sibi obiectas euicit ac sustulit, nempè exercitũ ad Cecoram constitutũ robur exercitus Poloniae, vnà cum Ducibus militiæ miserè prostrauit ac deleuit, vno scilicet Duce belli ac Cancellario Regni ZOLKIEVIO interempto, qui per multas occasiones, de Patria varijs in Expeditionibus, optimè meritis, gloriam immortalem sibi cõparauerat. Verùm quàm dura Sors obstitit illi, qui gloriæ suæ segetem recondere intra Patriã satagebat, en in ipso culmine & apice felicitatis senio quidem confectũ infausta Sors oppressit, gloriamq; eius turbauit. Altero victo apud Barbaros dura in seruitute retẽto, exercitu toto deleto, quid vltra Patria sperare potuerat, nisi vltimũ exterminium? Verùm non contentum hoc pelagus procellas suas extendere, & attingere Istrum & Tyram, totum Regnum immergere nitebatur, verum Summus rerum omnium Arbiter Deus, cui curæ sunt humanæ sortes, vltra non permisit,

furentis huius Oceani superbos fauere fluctus, opposuit Sactæ memoriæ
SIGISMVNDVM III. Poloniae Regem Inuictissimum, ob res summas
gestas nunquam satis laudandum, opposuit VLADISLAVM eius Filiū,
qui exercitui Polono tum tēporis præsens aderat, vt murus aeneus, qui à
Patria truces & innumeros arceret hostes. Obiecit illa prætatiissima duo
belli fulmina, quibus innixa Patria, vltimā euasit ruinam, CAROLVM
scilicet CHODKIEVICIVM, Palatinū Vilnen. tunc belli Chotinenfis
Supremum Ducem, atq; STANISLAVM LVBOMIRSKI, Pocillatorē
Regni, ad præsens Cracouiensem Palatinū, cui Deus Opt: Max: vltiores
ad bonū Patriæ proroget annos, eandemq; fælicitatem atq; animi ma-
gnitudinē in clarissima eius Sobole continet. Opposuit & robur exer-
citus Poloniae, qui feliciter represso hoste, has inundationes vltius pro-
gredi non permiserunt, sed Dei ope ac sua prudentia, solertiq; opera, &
constanti fortitudine effecerunt, vt ante Istrum & non vltra produceret
tumentes fluctus suos. Hic Sol postquam tenebras & nebulas hostiles
Othomanicas fortibus radijs repulerat, lucisq; suæ ac fulgoris acies in
Christianum Orbem dirigere destinauerat, & nō solum in Patria videri,
& clarescere desiderabat, verum etiam externis beneficium luminis sui
communicare voluit, ad Transalpinos properauit polos, vbi illas gentes
plurimum intuitu luminis sui non solum recreauit, verum etiā in summā
sui admirationē & amorem traxit. Sed primariō Urbem Romanam,
eiusq; summum non dicam Urbis, sed Orbis Sacrorum Præsidem adiit,
cuius multa in se beneuolentiæ, amoris, & officij argumenta expertus est.
Quid totius Italiae Principum fauores, populiq; vota ac desideria? quid
publicas gratulationes, & applausus, sumptuososque apparatus ac spe-
ctacula? Solē sibi tūc exoriri visa est Italia, cuius luminis singulari bene-
ficio, ne nebulis & tenebris Barbariei absorberetur, emerfit, in suoq; lu-
mine conseruata permanfit, visitata Italia ad Bartauros hic idē Sol cursum
dixit, ibidem sui splēdoris cōmunicauit copiam, tam virtutis Heroicæ
quàm bellicæ. Qui ibidem magnificentissimo perfunctus munere Su-
premi belli Ducis ac Directoris, in cuius cōspectu & præsentia Trophæa
bellica peracta, fortunæ continuatæ sumpserunt possessionē, Regis Con-
sobrini Hispaniarum phalanges, postquā in Orbem natium, quasi post
Iminio hic Sol iterum exortus, virtutibus dirigentibus sublimius ad de-
stinatum festinauit progredi diuinitus scopum. Merita enim Amplissima
sunt Patriæ testata, attamen maiora in dies sumpserunt incrementa, dum
diuersis temporibus ea præstiterat. Sed occasionem satis iustam exhibuit
Pruthe-

gionum coetus pauperum, suspirijsq; vehementibus quantum do-
leant & ingemiscant, abundè declarant. Lugent Serenissimi Fra-
tres, Domusque tota Regalis, ereptum sibi vnicum ornamentum
ac decus; quod inuexit ac intulit gloriæ famæ, triumphorum in-
gentesque virtutum cumulos in domum Regiam satis superq; Or-
bi constat vniuerso. Luget Serenissima REGINA nostra, quod
tam præmaturè Sponso desideratissimo orbata, miram rerum Me-
tamorphosim & vicissitudinem celerius agnouit, quàm aduertit;
quantum mæroris penetralia animi ipsius hic fatalis acinax sauciet,
nemo coniecit & consequitur, ipsa melius quantum illi decessit, vi-
det ac perspicit. Luget circulus Senatorius illustrissimus, ablatam
sibi Coronam ingentis pretij, quæ illum permultum decorabat ex-
ornabatque, ast modò quàm squalidam & mæstam præferat dolo-
ris speciem, videt qui videt. Luget præstantissimus Equestris Or-
do Regem sibi deuinctissimum, vti obsequijs fidelibus, ita officijs
prosequi solitus, Reges suos, ipsisque in omnibus parere, honorem,
gloriam, opes, & quosuis magnos conatus eorum promouere; in-
super omnibus expeditionibus bellicis ipsis adesse, pro illis vitam
profundere, Victorias ac Imperia sanguine proprio parare: fuetus,
eundem in cineres illatum, quantum lachrymis singultibus gemit-
ibusque deplorent, atratus color tam frequens, piaque in Regem
suum vota ac desideria palam testantur. Lugent Ciues, Coloni,
Vrbes, Arces, Pagi, Regem ac Dominum suum pacificum, cuius
sub lento Imperio securè, quietè, vitam agebant suam, nec erat qui
pacem & tranquillitatem eorum perturbaret toto Regni sui curri-
culo, verùm refloruerunt tam alta in pace constituti, refloruis-
sent procul dubiò magis, ni tam dura & aduersa fata sorti suæ inuidis-
sent. Luget ac gemit vniuersa Respublica sublatum Regem, Do-
minum, Parentem, vnicum præsidium, spem & anchoram firmā,
cuius innixa humeris, quàm suauiter quiescebat, quàm à nemine
laceßita, manens omnes fatorum ridebat minas, quàm dulce otium
nacta aurea sibi secula reuocata, ob tam altam pacem conspicie-
bat. Magnus itaque omnes inuasit dolor, ingens mæror, acerbus
omnium mentes perstrinxit mucro tam subitæ & inopinatæ muta-
tionis. Tenebris igitur inuolutum quiuis cernere potest Orbem
nostrum Polonum, tum ob mærorem nimium, ex morte deside-

ratissimi Principis conceptum, quàm ob depressam spem in tam arduo & intricabili statu & ordine rerum. Luger tota Christianitas Regem Socium rebus gestis clarissimum, armis potentissimum, in quo omnes spes ac fiducias reposuerat: quem vnum opponere destinabat communi nominis Christiani hosti & Tyranno, quem vnicum liberatorem oppressorum Christianorum iugo seruitutis fœdæ ac barbaræ grauissimo & intolerabili attritorum sperabat & vouebat. Ecce nunc quanta mutatio, quàm longè alia versa est fors lugubris & funesta, quæ sic elusit spes nostras, atque damnauit tenebras. Itaque offusas toti Orbi Christiano quisquis aduertat & admiretur, ex retractione radiorum tam alti Solis, feralis igitur caligo inuoluit omnia, is amarus casus nunquam hæcenus in Polonia visus satis declarat, quid repositum erat in luce huius Solis: cum inde & alia calamitas quasi de nouo emergens exorta, cum duobus belli Duces magni totiusque exercitus robur vltimam subierit stragem, atque penitus deletus nouum in animis nostris inflixit vulnus, dolendumque donec deleatur. Insuper aduenit, si fatalis censendus est Orbi nostro luctus, eò acerbior & funestior, quò inopinabilior, cum Castra ingentia tot instructa militum cateruis & legionibus, vnde numerosissimus & potentissimus conflatus exercitus, ad reprimendos quosuis hostiles impetus non tantum sufficiens, verum & superabundans. Quem Patria, promptuarijs penè exhaustis omnibus, atque contributionibus publicis in id collatis, ad tantum violentum non solum sistendum hostium incursum, verum etiam arcendum auertendumque, atque restituendam pacem Patriæ libenter armauerat, Castraque eadem tam numerosa fortium militum copia, atque permultis tormentis bellicis exquisitissimis repleuerat, quæ etiam cuique potentissimo hostium opponenda, merito pensanda erant. Sed ô pudor & dolor! quàm eiusmodi sua delusa præconceptra spe, & fiducia forti frustrata nihil aliud retulit, nisi damnum inæstimabile, multisque annis imò seculis resarcibile, atque ignominiam perpetuam tali facto comparatam contraxit. Cuius mentionem dilatare fusiùs, tum ingens inflictum vulnus Patriæ (quod eam magis magisque exasperat) quàm ingenuus pudor vetat, dum se exarmatam vltroque desertam Patria mæstissima plorabunda & lamentabilis videt, atque omni seculo conquere-

retur.



Illustrissimo & Reuerendissimo Dño,
D. NICOLAO ALBERTO
DE OLEXOW GNIEWOSZ,
 Dei, Sedisq̃ue Apostolicæ Gratiâ
EPISCOPO VLADISLAVIENSI,
 ET POMERANIÆ,

Domino & Mœcenati Clementissimo.



Solem Sarmaticum obscuratum penna tenui adumbratum presentandum Tibi censui. Antistes Illustrissime & Reuerendissime, VLADISLAV, inquâ, Magni Regis, cuius ingentis virtutis, & animi magnitudinis, ac rerum gestarum luminis, Orbem Christianum gloriosus illustravit splendor. Et cum tanti Herois res præclare actas, quæ clarius luce solari splendent, circumq̃ ambitus Orbis Christiani fulgoris sui claritate illuminant, nemo reperiri queat, qui summis laudum elogijs non cælo æquet, en multò magis noster Sarmaticus Orbis, in cuius Polo hic exortus natiuus Sol, cuius propemodum operationis beneficio influentias salutes recepit, ad dilatandam Gentis nostræ gloriam, ad proferendos amplissimos & uberrimos fructus felicitatis, quorum vti singulare in reconditorio gratitudinis reponere debet, & obstricta est depositum. Nec ambigendum est, quòd intra Tui pectoris Sacrarium, huius Solis radius relucet Antistes Illustrissime, cuius virtus tam efficax, ac eiusmodi extitit fecunditatis, ut alios Soles sibi similes felici partu, & quadam fecunditate progenerauerat ac produxerat: quidni Te Solis huius magni existimem, accensum fulgoribus alterum quasi Solem, qui exorientibus virtutum Tuarum radijs, Soli huic Magno Te coniunxisti, summis ac præclaris Tuis facinoribus, ac meritis amplissimis, in eam dudum lucis magnitudinem coaluisti, ut Sol iure meritò nuncUPERIS & VOCITERIS. Cum igitur amplissimus mihi sese offerat campus, laudum quoq̃ Illustrissimæ Celsitudinis Vestræ concinandarum, si exordiendum est à Maiorum Tuorum propagine amplissima laudibus, & in Zodiaco nostro Sarmatico, refulgent ingentia Antiquissima & Illustrissima Gentis Rauritarum Lumina, ex quorum amplitudine Paternum præstantissimum deducis genus, Maternum quoq̃ Antiquissimum & Augustum Comitum de Teczyn Ossoliniorum, Magnorum vtriusq̃ Stirpis Illustrissimorum Nominum splendescis decoribus, atq̃ ad

*Aulam maximamq; eorum gloriam Tu quoque Tuam eximiam adiunxisti
 laudem. sicq; summis splendoribus fulgentem Spartam, quam haecenus na-
 ctus es, Tuis virtutibus & honorum dignitatibus amplificas & auges. Te-
 stes sunt virtutum una & meritorum Tuorum tot praestita & edita Ar-
 gumenta, dum in Patria atque Curia eadem tanquam in Theatro Publico
 magnifice explicuisti, summo omnium applausu, nec Tuarum virtutum Pa-
 tria circumambit circulus gloriam ultra illius metas progreditur, atq; lu-
 minis sui protenditubar, attingitq; etiam ultra marinas regiones, ubi Le-
 gationis amplissimo munere functus, Patria nostra auxisti decus, eiusdemq;
 exituisti magnum ornamentum. Redux felix in Patriam veniens, nullo
 in eam praetermisso testificationis officio amoris, quo omnibus in occasioni-
 bus eam prosequi non desinuisti, ingentibusq; meritis Tuis eam accumula-
 sti, idcirco Serenissimorum Regum arbitrio, & aqua discussione praeclare
 factorum Tuorum prauia, ad munera Officiorum Amplissimorum admo-
 tus, primo Cancellariatum Serenissimae Reginae Caeciliae Renatae egregie &
 pro voto gerens, post hac Summo Secretariatu Regni auctus, cuius Digni-
 tatis Amplissimum munus strenue atque cum dignitate Principis Regniq;
 vniuersi gloriose gessisti, ad altiorem Dignitatis gradum per arduos vir-
 tutum progressus ascensum disponens, ad Altam Pontificalem & Senato-
 riam prouectus es Dignitatem, eiusq; functus honore, Optimi Praesulis, vi-
 gilantissimi Pastoris, Dignissimi Senatoris formam exprimens, altioris
 gradus honorum in Ecclesia & Republica Tibi praedinas, culmen vota
 omnium expleturus adaequatam virtutibus Tuis, idq; summam in Regno as-
 sequaris Dignitatem. Quocirca summa haec Lux Illustrissima & Reue-
 rendissima Celsitudinis Vestrae Opus hoc, mole quidem, exiguum, & inela-
 boratum, verum animi affectu, & obsequio, disertum radijs suis illustret,
 illudq; aspectui publico Nominis sui splendore acceptius efficiat, quod optat
 atque precatur impensius*

*Illustrissimae & Reuerendissimae Celsi-
 tudinis Vestrae*

Humillimus seruus

& Cliens

*STANISLAVS DOMANIEWSKI,
 Canonicus Chijouiensis. fuit Iozita*





